

Na osnovu odredaba Zakona o radu („Službene novine Federacije Bosne i Hercegovine“, broj: 62/15), uz puno uvažavanje ukupnih ekonomskih i socijalnih prilika na Unsko – sanskom kantonu, a poštujući pri tom međusobno povjerenje, uvažavanje i razumijevanje

- 1. VLADA UNSKO-SANSKOG KANTONA**, s jedne strane (prva strana u sporazumu, u daljnjem tekstu: Vlada Kantona) kao predstavnik poslodavca i
- 2. SAMOSTALNI SINDIKAT OSNOVNOG OBRAZOVANJA I ODGOJA BIH, KANTONALNI ODBOR UNSKO-SANSKOG KANTONA**, kao predstavnik zaposlenih, s druge strane (druga strana u sporazumu) zaključili su:

SPORAZUM

Član 1.

Nakon održanih pregovora između Vlade Unsko-sanskog kantona i predstavnika Samostalnog sindikata osnovnog obrazovanja i odgoja Bosne i Hercegovine – Kantonalni odbor Unsko-sanskog kantona, povodom štrajka najavljenog Odlukom o stupanju u štrajk zaposlenih u predškolskom i osnovnom obrazovanju i odgoju Unsko-sanskog kantona broj: 01-HZ-66/15 od 01.07.2015. godine

Vlada Unsko-sanskog kantona se obavezuje na slijedeće:

1. Isplatiti regres za 2014. godinu, naknade za otpremnine za odlazak u penziju i naknade za slučaj smrti i teške bolesti iz 2014. godine,
2. Izvršiti analizu uvrštavanja javnih ustanova vrtića na Budžet USK-a – do 15.09.2015. godine,
3. Pristupiti izmjeni Zakona o osnovnom i općem srednjem odgoju i obrazovanju u pogledu opisnog ocjenjivanja u II i III razredu, odnosno uvođenja brojčanog ocjenjivanja,
4. Isplata plaća će se odvijati u skadu sa prihodima u Budžetu Unsko-sanskog kantona,
5. Pokrenuti inicijativu po pitanju finansiranja obrazovanja sa nivoa F BiH,
6. Sačiniti informaciju o izjednačavanju porodičnih naknada i pristupiti eliminiranju postojećih razlika između budžetskih korisnika,
7. Riješiti problem načina obračuna minulog rada pomoćnog osoblja zaposlenog u obrazovanju do 15.09.2015. godine,
8. Izvršiti analizu dugovanja po izvršnim sudskim presudama i pripremiti okvirni plan za Isplatu,
9. Depolitizacija – održati javne rasprave do 31.12.2015. godine.

Samostalni sindikat osnovnog obrazovanja i odgoja BiH - Kantonalni odbor Unsko-sanskog kantona se obavezuje da danom potpisivanja ovog Sporazuma stavi van snage Odluku o stupanju u štrajk zaposlenih u predškolskom i osnovnom obrazovanju i odgoju Unsko-sanskog kantona broj: 01-HZ-66/15 od 01.07.2015. te da blagovremeno obavijeste svoje članstvo o redovnom početku nastave 01.09.2015 godine.

Član 2.

Ovaj Sporazum stupa na snagu danom potpisivanja.